



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiiis, 1706**

Unionis Ecclesiæ Parochialis alteri propter paupertatem Form. VII.

---

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Unionis Ecclesiæ Parochialis alteri simili  
propter illarum paupertatem.

**F O R M U L A VII.**

**S U M M A R I U M.**

**I** Unio Beneficiorum requirit justam cau-  
sam , de qua debet in actis con-

flare .

- 2 In unione facienda , an requiratur  
Capituli consensus ?

- 3 Qui alii sint vocandi ?

N. Episcopus N.

**U**niversis salutem in Domino . Ut Ecclesiarum Parochialium nostræ Dio-  
cesis , ubi Sacra ministrantur , Cultus resplendeat , ac illas obtinentium  
personæ Animarum Curæ incumbentes habeant redditus sufficietes , ut de Altari  
vivere possint , libenter nostri officii impartimur præsidium . Cùm igitur  
nuper per dilectum in Christo N. Rectorem Ecclesiæ Parochialis S.A. loci N. hu-  
jus Dioecesis Nobis fuerit expositum , quod in dicto loco alia Parochialis Eccle-  
sia sub invocatione S. B. existit , cuius fructus , & proventus ad sustentationem  
Rectoris ejusdem pro tempore existentis propter illorum exiguitatem minimè  
suppetunt , & quod si d. Parochialis Ecclesia B. dictæ Ecclesiæ similiter Parochiali  
A. quæ in commodiori situ est posita , uniretur , annexeretur , & incorpó-  
retur , congrua , quam non habet , sufficiens constitueretur Rectori ; in eaque  
Divina officia majori cum decore celebrarentur , Cultusque Divinus augeretur ;  
& proinde humiliter supplicatum fuit , ut super præmissis providere dignaremur :  
& cum per legitimam , & diligentem informationem per nos captam , & examen  
Testium fide dignorum invenerimus singula per eum asserta , & exposita veritate  
fulciri : Idcirco auctoritate nostra ordinaria , & Sedis Apostolicæ delegata per  
*Sac. Conc. Trid. sess. 21. c. 5. de Reform.* & omni alio meliori modo , quo possumus ,  
Parochiale Ecclesiam S. B. prædictam cum omnibus juribus , & pertinentiis  
suis eidem Parochiali Ecclesiæ A. accedente consensu nostri Capituli pro Divini  
Cultus augmentatione , & salubri regimine Curæ in perpetuum unimus , annexi-  
mus , & per præsentes incorporamus . Ita quod cedente , vel deceidente moder-  
no ipsius Parochialis B. Rectore , seu illam quomodolibet dimittente , & quovis  
modo vacet , & ejus provisio , & dispositio ad Nos pertineat , liceat Rectori dictæ Ec-  
clesiæ A. pro tempore existenti , corporalem , realem , & actualem Ecclesiæ B. ju-  
riumque , & pertinentiarum possessionem auctoritate propria liberè apprehende-  
re , illiusque fructus , & proventus percipere , ac in suos , & dictarum Ecclesiarum  
sic unitarum usus , & utilitatem convertere , & perpetuò retinere , cuiusvis alterius  
Superioris licentia super hoc minimè requisita . Volumus autem , quod postquam  
unio effectum sortita fuerit , Parochialis Ecclesia B. non fraudetur debitum obse-  
quis , nec Animarum Cura in ea negligatur , sed ejus supportentur onera . Quæ om-  
nia , & singula vobis omnibus supradictis notificamus . In quorum &c.

N. Episcopus N.

Lectum , latum , & publicatum fuit supradictum Decretum unionis Ecclesiæ B.  
cum Ecclesia A. etiam per affixionem ad valvas earumdem Ecclesiarum , ut con-  
stat ex relatione Bajuli , die ... in Aula &c. præsentibus N. N. Testibus &c.

N. Cancellarius Episcopalis .

A D-

## ADNOTATIONES.

**1 ET EXAMEN TESTIUM.** Unio ad hoc, ut sustineatur, requirit justam causam, de qua debet formiter in actis constare per examen Testium; quia sola Episcopi assertio non sufficit, Pac. Jord. lucubr. tom. 2. lib. 10. tit. 32. num. 64. Corrad. prax. Benef. lib. 2. cap. 5. n. 26. & cap. 15. num. 76.

**2 ACCEDENTI CONSENSU NOTARI CAPITULI.** Quod in unionibus ab Ordinario faciendis requiratur consensus Capituli, tenent Garz. de Benef. part. 12. cap. 2. à num. 1. ad 168. Pac. Jord. lucubr. tom. 2. lib. 10. tit. 32. num. 69. Ricc. decis. Cur. Archiepisc. Neapol. part. 4. decis. 198. num. 15. Fagnan. in cap. Ad audientiam num. 54. de Eccles. adfisc. Alii yero putant, quod Capituli consensus non sit necessarius, ex quo Episcopi in hac parte uniones faciunt vigore Concilii tamquam Sedi Apostolicæ Delegati, nempe Navarr. conf. 10. de Offic. & Potest. Judic. Delegat. Ricc. prax. For. Ecclesiast. part. 1. resol. 388. num. 4. vers. Limita secundo, Gallemart. in cap. 5. sess. 21. de Reform. Tu autem sequere primam opinionem, quia per ra-

tiones, quas expendunt DD. hanc teneentes, magis tuta videtur.

**3 NOTIFICAMUS.** Quamvis in hac specie unionis citandi sint interese habentes, non tamen necessariò vocandi sunt Parochiani, Pac. Jord. loco cit. num. 94. Barbos. in dict. cap. 5. n. 8. Negre vocandus est Rector Ecclesiæ unitæ, cui durante illius vita non inferatur præjudicium, sed tantum notificanda erit illi unio, ne ignorantiam valeat allegare, ut advertunt Ricc. prax. For. Eccles. part. 1. resol. 392. num. 1. & 2. Corrad. prax. Benef. lib. 2. cap. 15. num. 85.

Unionis Beneficii simplicis Parochiali exigui redditus.

## FORMULA VIII.

## SUMMARIUM.

**1** Unio Beneficiorum simplicium viventium potest fieri sine illorum præjudicio.

**2** Non tamen si possideantur à familiaribus Cardinalium, vel ab aliis, per quorum obitum certum sit ea affecta fore.

## N. Episcopus N.

**C**UM in visitatione Ecclesiæ Parochialis N. nostræ Diœcesis per Nos numer per habita invenerimus illam adeò exiguos redditus habere, ut ex eis Parochus pro tempore minimè sustentari valeat, ut ex Actis visitationis appareat. Volentes propterea in quantum possumus fructus dictæ Ecclesiæ augere, ad hoc, ut Parochus juxta prescriptum Sac. Canonum congrue sustentetur, & Divinus Cultus debitibus obsequiis non fraudetur, nec deseratur: Ideò tam nostra ordinaria, quam delegata Sacri Concilii Tridentini auctoritate, & omni alio meliori modo, eidem Parochiali N. unius, anneximus, applicamus, & incorporamus Beneficium simplex S. N. erectum in Ecclesia S. N. cum suis iuribus, & pertinentiis, quod nunc, & ad præsens possidetur à N. sine tamen præjudicio dicti Possessoris, & sine Divini Cultus diminutione: Ita quod cedente, vel decedente illius moderno Rectore, seu illud quomodolibet dimittente, sive quovis modo vacet, licet Rectori dictæ Parochialis pro tempore existenti corporalem, realem, & actualem possessionem dicti Beneficii simplicis liberè apprehendere, illiusque fructus, & proventus percipere, & in suos, & dictæ Parochialis usus, & utilita-